

**Aningaasalersuineramik ingerlataqarneq pillugu inatsisip allanngortinnissaa pillugu Kalaallit Nunaannut atuutsitsilerneq pillugu peqqussummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaannut siunnersuut.**

(Inuussutissarsiornermut, Nukissiuuteqarnermut Iisimatusarnermullu Naalakkersuisoq)

**Saqqummiussinermut allakkiaq**

(Inuussutissarsiornermut, Nukissiuuteqarnermut Iisimatusarnermullu Naalakkersuisoq)

**Siullermeerneqarnera**

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaatigut innuttaasut 18-inik ukioqalersimasut tamarmik soraarnerussutisiaqarnissamut aaqqissuussiffimmumut soraarnerussutisiaqarnissamut aningaasaateqarfimmumut, inuunermut sillimmatissiisarfirmumut imaluunniit aningaaserivimmumut Kalaallit Nunaanni angerlarsimaffeqluniluunniit aalajangersimasumik ingerlatsiveqartumut akiliuteqartarnissaat peqqussutaavoq. Soraarnerussutisiaqarnissamut aaqqissuussinermut pinngitsoorani ilaanissamut akiliutit 2020-p aallartinnerata kingornatigut pisussatut pilersaarutaavoq.

Taamaattorli soraarnerussutisiaqarnermut aningaasaateqarfiit pillugit inatsisaasut atuuttut toqqammavigisaasa iluini soraarnerussutisiaqarnissamut aaqqissuussinermut pinngitsoorani ilaaffigisassamik nunatsinni suliaqarfinnit akimuisutut soraarnerussutisiaqarnissamut aningaasaateqarfiit aqutsisuusinnaanginnerat Aningaasaqarnermut Nakkutilliisoqarfiup aalajangiussaqaarnerata aalajangersimavaa.

Akilerartarnermik Aqutsisoqarfillu atsiugarisaanik soraarnerussutisiaqarnissamut aaqqissuussinermut pinngitsoorani ilaaffigisassamik aqutsinissaq pillugu isumaqatigiissummik nunatsinni soraarnerussutisiaqarnermut aningaasaateqateqarfiup SISA-p naapertuutsitsinnaanginneranik tamanna nassataqarpoq.

Taamaattumik soraarnerussutisiaqarnissamut aaqqissuussinermut pinngitsoorani ilaaffigisamik nunatsinni suliaqarfinnit akimuisutut soraarnerussutisiaqarnermut aningaasaateqarfiit aqutsinissaannik periarfissiisussamik aningaasalersuineramik ingerlataqarneq pillugu inatsisip allanngortinnissaa pillugu Inuussutissarsiornermut ministerimut (Erhvervsministerimut) qinnuteqarlutik Naalakkersuisut saaffiginnissuteqarput. Sammisaaq nukinginnartutut iluseqarpoq, innuttaasut soraarnerussutisiaqarnissamut akiliutaat 2020-p aallartinnerani pissasutut tunngavigineqarmat.

Taamaattumik aningaasalersuineramik ingerlataqarneq pillugu inatsisip allanngortinnissaa pillugu inatsimmi aalajangersakkap nutaap, § 304 a-p, inissinnissaanut Folketingimut

sukumiisutut suliassamik siunnersuummik Erhvervsministeri saqqummiussaqaarsimavoq. Aalajangersakkap siunnersuutaasoq nunatsinni suliaqarfinnik akimuisutut soraarnerussutisiaqarnermut aningaasaateqarfiit soraarnerussutisiaqarnissamut aaqqiissut pinngitsoorani ilaaffigisassaq pillugu Inatsisartut inatsisaat nr. 21, 28. novembari 2016-imeersumut naapertuuttumik soraarnerussutisiaqarnissamut aaqqiissutinik aqutsisinnaanissaannik periarfissiissaaq.

Allannguummik erseqqinnerusumik misissuinissamut aalajangiiffigisassatut siunnersuut, kiisalu Kalaallit Nunaanni atuuttumik § 304 a-mut nutaamut tunngatillugu uteqqiinnermi nassuiaat aamma inatsisissatut siunnersuummi tigulaakkat innersuutigineqarput.

Taamatut oqaaseqarlunga aalajangiiffigisassatut siunnersuut Inatsisartuni akuersaarinnilluni oqaluuserinissaanut tunniuppara.